

Julevsáme mánáj lâhkåmtjehpuðahka

- Gåktu guoradallat mánáj lâhkåmav?

Lâhkåm la vuodulasj tjehpuðahka skåvlân. Skåvllåmáná galggi sihke oahppat lâhkåt ja lâhkåt vaj oahppi. Dát dutkam galggá guoradallat julevsáme mánáj lâhkåmtjehpuðagáv, gudi oahppi lâhkåt sihke julevsámegiellaj ja dárogiellaj. Lâhkåmdutkam vuoset máná gudi guovte gielajda oahppi lâhkåt, tjuovvu dav sæmmi lâhkåmåvddåñimev gå avtagielak máná gånnå dekåvddim ja dádjadibme li oase lâhkåmis. Nanos njálmálasj giella ja báhkoboanndudahka la garrisit tjanádum lâhkåmtjehpuðahkaj, ja sierraláhkáj lâhkåmdádjadibmáj. Dutkama milta de galggá mánná lâhkåt dan giellaj majt máhttá buoremusát. Dajnas sjaddá ietjá dille gå mánáj åhpodusgiella ja vuostasjgiella skåvlân la ietjá giella gå mánáj sijddagiella.

Ulmme dájna dutkamijen la gávnat gåktu julevsámegiella vájkut mánáj lâhkåmav gå mánná galggá fonologalasj lâhkåmdáses ortografalasj lâhkåmdássáj jáksåt. Prosjækta gullu vil ráddjimbarggo, valla dát dutkam dættot julevsáme morfologijav ja báhkostruktuvrav, mij la ájnas oasse gå galggá nanos lâhkken åvddånit. Oassálasste li julevsáme máná jages 6-13, julevsámegielajn vuostasjgiellan skåvlân. Prosjækta la vilá álggomutton, ja guoradallama hárráj li vil etihkalasj ássje ma viertti tjielgaduvvat åvddål materiállatjoahkkim álggá, dagu miededibme oassálasstijs ja æjgádijs, namáduvvat oassálasstijt ja gåktu materiálajt vuorkkit. Dutkamtjuolmma galggá lâhkåmtestaj ja giellatestaj baktu guoradaláduvvat. Gávnuji moattelágásj lâhkåmtesta ma guoradalli iesjguhtik bielijt mánáj lâhkåmtjehpuðagás. Testa ma guosski morfologijaj ja báhkostruktuvrajda li guovdátjin. Buojkulvisá li fonologalasj ja ortografalasj lâhkåmtesta jienaj ja bágoj, morfologalasj diedulasjvuhta, ja dádjadibme ja báhkoboanndudahka.